

TENIR FAURE,
SON LATAS
PA FASIL (P2)

VOL.1 NO:17
PeoplePLUS
14 August 2017

PA LES SISTENM ELITIS (KAPITALIS) RETOURNEN

*Bann prensip Parti Lepep i ankor
relevan pour Seselwa*

Mesaz kler miting rezyonal ki ti fer wikenn se pour nou toultan met nou konviksyon premye. Nou bezwen krwar dan bann prensip- akoz souvann fwa zonn dan lopilans i obliy son nesans, son legzistans.

(Kont...p2)



PA LES SISTENM ELITIS (KAPITALIS) RETOURNEN

(Kont...p1)

Dan tou pei i annan en group dimoun ki annan plis ki lot me avek en sistenm kapitalis, parey ti egziste avan 1977, sa ki annan pa fer nanryen pour ed sa ki napa.

Si Seselwa pa fer atansyon e siport travay Prezidan Faure, dan Sesel ozordi nou pou war sa ki avan 1977 ki nou ti apel 'bann gran bourzwa ek gran blan' pe vin reklanm zot later, zot privez aköz en lopozişyon dan Lasanble pe ed zot fer egzakteman sa. Ki pou arive avek tou sa fanmiy Seselwa ki dan

lakaz ki trouve lo later ki gouvèrman ti akizisyonnen e pey son met aköz later ti zis dan labondan ? Eski lopozişyon pe fer vin met Seselwa deor ?

Lazenes Seselwa- bann profesyonnel ki ozordi pe doute si zot pou afilye ek Parti Lepep oswa bann ki plifere donn lanmen ensilte e maltret Parti Lepep. Prezidan Parti Lepep, Vincent Meriton, pe demann zot pour koste e pa kanmi pour met en kouler rouz e afilye ek Parti Lepep ki'n travay dir e kontan pour donn zot tou sa bagaz ki nesese pour

zot vin sa ki zot ete ozordi. I felisit bann ki fyerman i atas li ek prensip Parti Lepep e bann ki pa maltret nou.

I ti ganny sipor Dr. Patrick Herminie ki'n dir ki fodre ki nou edik lazenes lo Parti e sa travay ki'n ganny fer pour ki ozordi zot pe viv koumsa. I annan ki mont lo rezo sosyal pour dir ki inler pour zet Parti Lepep anba aköz zot in pas martir pandan 40 an- kan zot aze selman 20 an e pa konn nanryen lo lalit en pep pour li ariv zistans ki i ete ozordi.

Wi, ozordi nou war

lopozişyon pe servi nou zanfann pour detrir nou travay dir e anmenmtan detrir zot prop lavenir. Zanfann ki nou'n fer vin pilot, dokter, ners, ansenyan eksetera.

Seselwa, avan i tro tar, fodre ki i mazin en Msye René ek SPUP ti lo en misyon pour detrir laprovrete, diskriminasyon, e anmenn legalite dan loportinite, lasante e ledikasyon gratwit pour tou, e retir payot.

Sa misyon i ankor relevan, ki fer ki Parti Lepep i ankor relevan pour Seselwa!

TENIR FAURE, SON LATAS PA FASIL

Prezidan Parti Lepep i kontinyelman demann siporter pour konpran pozisyon Prezidan Faure ki dan *Pen sitiasyon ranpli avek gro defi dan son demars pour fer travay gouvèrman marse anba en koabitasyon pour benefis tou Seselwa e Sesel. Sa ki kler e devret ganny note, se ki siporter pe zot menm dir ki zot salye kouraz e kapabilite Msye Faure dan son pozisyon State House.*

Seselwa pa merit tonm dan pyez lopozişyon ki pe fer bokou propagann avek bi konfiz dimoun. Napa nanryen pour nou aktivis onte koz lo la pour defann travay nob nou gouvèrman, e osi dan Lasanble fodre ki dimoun

i konpran kontribisyon nou bann manm. 40 an nou la, nou bann manm i annan bokou pour koz lo la san ki zot ensilte e akiz person. I'n plis ki ler pour Seselwa siport plis travay Parti e donn en koudmen pour ki

lopozişyon pa reisi retourn Sesel dan en sistenm kot sa ki nou apel 'pti dimoun' i ganny kit ater, e kapitalis i pase. Ozordi zot pe reklanm zot later, zot oule asiz aletranze e ganny pansyon, e lezot konpansasyon ki zot

pe profite pour demande aköz lopozişyon pe kontrol Lasanble.

Gouvèrman, lo son kote, pe delivre pour nou pep, pour ki an 2020, ya kapab raport ek lepep ki i'n fer pour zot.

PWEN KI PIBLIK IN MET DEVAN :

Apwentman lo bann bord;
Pti kontrakter laysens nimer 4 ki pa kapab tender;

En reprezantan Minister

Lasante lo komite alokasyon lakaz;
Ed PUC pour ed li fer desann bil;

STC i ankor relevan pour nou pep ;

Lopozişyon pe zwe ek sekirite/lentelizans pei ;

Plis semen dan kominote ;
Ogmant kotizasyon Parti ;

Fodre tou departman gouvèrman i delivre e anpes fristrasyon ;

Kontinyen siport lazenes ;

E bokou lezot ankor.